

**Акафист священномученику Илариону,  
архиепископу Верейскому.**

**Кондак 1**

Избранный воине Христов и свидетелю верный,  
едину Святую, Соборную и Апостольскую Церковь во  
спасение всех исповедавый, за нюже пострадати даже до  
смерти изволил еси, и ныне в Церкви торжествующей  
прославляемый, поминай нас, любовью ти зывающих:  
Радуйся, Иларионе, Церкви Русския славо и украшение.

**Икос 1**

Ангела земнаго и человека небснаго зрим тя,  
святителю Иларионе, чистоту душевную измлада  
соблюдшаго и подвигом духовным дар благодати  
стяжавшаго, темже ныне скорую помощь всем подаеши,  
в молитвах тако ты призывающим:

Радуйся, благочестия родителей наследник;  
радуйся, Церкви Христовы избранное чадо.

Радуйся, от младенства учению прилежавый;  
радуйся, истины Божественныя умом и сердцем  
взыскавый.

Радуйся, школу духовную, яко мать и  
питательницу, возлюбивый;

радуйся, твердою пищею богословия воспитанный.

Радуйся, под кровом молитв преподобнаго Сергия  
верою укрепивыйся;

радуйся, на брань духовную с миродержителем  
тьмы века сего изшедый.

Радуйся, Иларионе, Церкви Русския славо и  
украшение.

**Кондак 2**

Видя место патриаршее праздно суще в велицей церкви Успенской, рыдал еси сердцем горце, Иларионе, и к людем русским зывал еси: Доколе плакати имать земля? Избранну же бывшу Патриарху Освященным Собором, ликуя воспел еси Богу победную песнь: Аллилуиа.

### Икос 2

Разумом богопросвещенным прорекл еси Патриарху не царский венец восхитити, но мученическим венцем украситися, по вся бо дни умирати имать за Церковь Христову. Сим крестным путем и ты, Иларионе, Первосвятителю шествовал еси, темже вси восхваляем тя сие:

Радуйся, догматов и канонов церковных ревнителю;  
радуйся, о Церкви Русской теплый молитвенниче.

Радуйся, поругания славы церковных видети не терпевый;

радуйся, словом огненным сердца верных воспламенивый.

Радуйся, во избрании Патриарха исполнение чаяний церковных узревый;

радуйся, Первосвятителю в трудех и попечениих о Церкви сподвизавыйся.

Радуйся, крест служения архиерейскаго во дни гонений восприемый;

радуйся, на камени веры стопы твоя утвердивый.

Радуйся, Иларионе, Церкви Русския славо и украшение.

### Кондак 3

Силою Вышняго укрепляемь, Иларионе, подъял еси подвиг служения архиерейскаго, всем быв вся, и всем

себе порабóтив, утешáя, наставляя и обличáя, Бóгу же  
вѣну поя: Аллилѹиа.

### Икос 3

Имѣй рѣвность по Бóзе и вѣлие дерзновѣние,  
святителю Илариóне, отступники отгна́л еси́ от обѣтели  
Срѣтенския, к покая́нию тех призывáя и ча́да церкóвная  
во благочѣстии утвержда́я, тѣмже приими́ от нас похвалы́  
сия́:

Ра́дуйся, враги́ тво́я и гонѣтели любóвию  
покрывáяй;

ра́дуйся, враги́ церкóвныя óгненными словесы́  
опаля́яй.

Ра́дуйся, хитросплетѣния лжепáстырей расторгáяй;  
ра́дуйся, в вѣрности Патриáрху колѣблемых  
утвержда́яй.

Ра́дуйся, мно́ги отступники к покая́нию обратѣвѣй;  
ра́дуйся, любóвию к Цѣркви вѣрных сердца́  
испóлнивѣй.

Ра́дуйся, лука́выя совопрóсники вѣка сегó  
посрамѣвѣй;

ра́дуйся, за ѣстину церкóвную страда́ти изво́ливѣй.

Ра́дуйся, Илариóне, Цѣркве Рѹсския сла́во и  
украшѣние.

### Кондак 4

Бѹрею злóбы смущáеми гонѣтели Цѣркве, ѹзы и  
темни́цы ти уготóваша, тщáщеся свет исповѣдания  
твоегó сокры́ти, Илариóне, ты же, и власть богобóрную  
яко попу́щѣние за грехѣ́ от Бóга приѣмля, о всем  
прославля́л еси́ Промыслѣтеля всех, поя: Аллилѹиа.

### Икос 4

Слы́ша стра́шныя вѣсти о гонѣннх лю́тых, не поколебáлся есѣ душе́ю, Иларио́не сла́вне, но па́че укрепѣ́лся есѣ́ ве́рою в Цѣ́рковь Христо́ву, я́ко багря́ницею и ви́ссом, крове́ми но́вых му́ченик украша́ему. Тя же, я́ко еди́наго от ни́х, священному́чениче, ублажа́ем, воспева́юще ти сицевáя:

Ра́дуйся, омофо́р святíteльский в день священному́ченика Ермоге́на прие́мый;

ра́дуйся, служе́ние архипáстырское страда́нием запечатле́вый.

Ра́дуйся, у́зы, темни́цы и го́рькия рабо́ты за Христа́ претерпе́вый;

ра́дуйся, благоду́шием и терпѣ́нием в ско́рбех сих украше́нный.

Ра́дуйся, нестяжа́ния и кро́тости о́бразе;

ра́дуйся, о гоня́щих и обидя́щих тя моли́твенниче.

Ра́дуйся, богосло́ве, ры́барския мре́жи не возгнуша́выйся;

ра́дуйся, уму́ преизя́щному апо́стольскую простоту́ сочета́вый.

Ра́дуйся, Иларио́не, Цѣ́ркве Ру́сския сла́во и украше́ние.

### Кондак 5

Боготѣ́чная звезда́ яви́лся есѣ́, Иларио́не, во у́зах солове́цких стра́ждущим лю́те, ѣмже смерть предстоя́ше на всяк час, тьму́ бо зло́бы сатани́нския све́том любве́ просвети́л есѣ́, уны́ние и страх отгоня́я, соу́зники же тво́я научи́л есѣ́ во ско́рбех хвали́ти Бо́га: Аллилу́иа.

### Икос 5

Ви́дяще нача́льницы и приста́вницы во узи́лищи му́жество и добро́ту души́ твое́я, Иларио́не чу́дне,

дёрзость обы́чную отлага́ху и я́ко архиере́я Бо́жия ты почита́ху, мы же ты я́ко святи́теля и му́ченика си́це восхваля́ем:

**Ра́дуйся,** простото́ю и крото́стию вся к себе́ привлека́яй;

ра́дуйся, любóвию твоёю всякую ду́шу возвеселя́яй.

**Ра́дуйся,** тщесла́внаго ду́ха фари́сэйскаго обли́чителю;

ра́дуйся, лицеме́рия и лжи искорени́телю.

**Ра́дуйся,** о́браз Бо́жий нетле́нный в челове́цах прозрева́яй;

ра́дуйся, и са́мых отча́янных грёшников не отмети́яй.

**Ра́дуйся,** благоду́шием твои́м страда́льцы утеша́яй;

ра́дуйся, сло́вом ве́ры малоду́шныя возставля́яй.

**Ра́дуйся,** Илариóне, Це́ркве Ру́сская сла́во и украше́ние.

### **Кондак 6**

**Проповё́дник** и свиде́тель яви́лся еси́ и́стины глаго́ла Христо́ва, я́ко врата́ а́дова не одоле́ют Це́ркви, вся бо суетная кова́рства князе́й богобо́рных, Илариóне, я́вна соде́лал еси́, просвеща́ющему и укрепля́ющему ты Бо́гу взыва́я: **Аллилу́иа.**

### **Икос 6**

**Возсия́л** еси́ Це́ркви Ру́сской, Илариóне, я́ко звезда́ путево́дная, посреде́ смяте́ний и раско́лов, от слуг сатани́нских всева́емых, ты бо ве́ру и пра́вила церко́вная твёрдо храня́, со преда́тели и отсту́пники в совет не вшел еси́, па́че же страда́ти с людьми́ Бо́жиими изво́лил еси́, те́мже ты, священномучени́че, похваля́ем:

**Ра́дуйся,** ле́сти богобо́рных не послу́шавый;

ра́дуйся, хитросплетённые ко́зни тех разоривый.

Ра́дуйся, и́стину церко́вную сло́вом богому́дром пропове́давый;

ра́дуйся, страда́льческим жити́ем сло́во си́е извествова́вый.

Ра́дуйся, архипа́стырей и па́стырей во узи́лищи укрепля́вый;

ра́дуйся, от раско́ла церко́внаго смущённых огражда́вый.

Ра́дуйся, к едине́нию с Це́рковию вся призыва́вый;

ра́дуйся, немо́щи собра́тий долготерпе́ти увещава́вый.

**Ра́дуйся, Иларио́не, Це́ркве Ру́ския сла́во и украше́ние.**

### Кондак 7

Хотя́щу ти Це́ркви Христо́ве послужити, Иларио́не, прият Чело́веколю́бец Госпо́дь страда́льческое твоё жити́е я́ко же́ртву благоуха́нну, ходата́я и моли́твенника ты ве́рным дарова́в, пою́щим Ему́: Аллилу́иа.

### Икос 7

Но́вым страстоте́рпцем Це́ркве Ру́ския сочета́лся еси́, Иларио́не досто́блаже́нне, егда́ во враче́бнице Петро́ва гра́да тяжко́ боля́й, ду́шу твою́ в ру́це Христу́ пре́дал еси́. Ве́рнии же́ многострада́льное те́ло твоё погребо́ша со пла́чем, надгробны́я пе́сни ти воспева́юще:

**Ра́дуйся, от уз и заточе́ния сме́ртию разреши́выйся;**

**ра́дуйся, свобо́ду сла́вы ча́д Бо́жих уллучи́вый.**

Ра́дуйся, на земли́ не о себё, но о Це́ркви Ру́ской скорбе́вый;

ра́дуйся, на Небеси́ о благостоя́нии ея́ при́сный ходата́ю.

Ра́дуйся, верными с любовию провождаемый;  
ра́дуйся, А́нгельскими ли́ки во сла́ве сретáемый.  
Ра́дуйся, блаже́нств Ева́нгельских соприча́стниче;  
ра́дуйся, я́ко мзда тво́я мно́га на Небесéх.

Ра́дуйся, Илариóне, Цéркве Рýсския сла́во и  
украше́ние.

### Кондак 8

Стра́нник и пришле́ц был еси́ на землѣ, Небéснаго  
Ца́рства взыску́я, о́браз тогó и явлéние Цéрквь святую́ в  
ми́ре сем исповéдуя, и та́йну спасéния богодвѣ́жным  
умóм испыту́я, богослóвствовал и хвали́л еси́ Бóга о сем:  
Аллилу́иа.

### Икос 8

Всем сéрдцем и всем умóм тво́им Христа́ возлюбѣв,  
Илариóне блаже́нне, от то́ржища ми́ра к Трапéзе  
Госпóдни лю́ди рýсския призывáл еси́, сегó ра́ди с  
весéлием вопи́ем ти:

Ра́дуйся, Ева́нгелия Христа́ва проповéдниче;  
ра́дуйся, апóстольских предáний хранѣ́телю.  
Ра́дуйся, учéний еретѣ́ческих обличѣ́телю;  
ра́дуйся, писáний отéческих сказáтелю.

Ра́дуйся, Христа́ краеугóльна Ка́меня Цéркве  
исповéдавый;

ра́дуйся, на Ка́мени сем упováние твоё утвердѣ́вый.

Ра́дуйся, умы́ любомúдрыя слóвом ѣ́стины  
просвещáяй;

ра́дуйся, сердца́ проста́я теплото́ю любв́е  
возгревáяй.

Ра́дуйся, Илариóне, Цéркве Рýсския сла́во и  
украше́ние.

### Кондак 9

Все естество Ангельское радости исполнися,  
Иларионе великоимените, восходящу ти от земных к  
Небесным, ты бо, яко новая звезда, на тверди церковней  
возсиял еси верным, поющим о тебе Богу: Аллилуиа.

### Икос 9

Ветийствуяй умолкает язык пред тайною твоего за  
Христа страдания, многими бо дарованьми почтенный,  
всебогате Иларионе, ничтоже от них пощадел еси,  
смерти Христове сообразуясь и научая нас воспевати  
тебе таковая:

Радуйся, крепость телесную во узах истощивый;  
радуйся, крепость духовную в терпении стяжавый.  
Радуйся, быстроту ума послушанием Богу связавый;  
радуйся, благодарением в скорбех Йову  
подражавый.

Радуйся, яко ризы златыя на рубище пременил еси;  
радуйся, яко одеждою веселия ныне облечлся еси.

Радуйся, престола церковнаго неволею zde  
отлученный;

радуйся, Престолу Славы ныне предстояй, яко муж  
совершенный.

Радуйся, Иларионе, Церкви Русския славо и  
украшение.

### Кондак 10

Спасти хотя душу свою, плоти, миру и диаволу не  
поработился еси, Иларионе блаженне, но, яко злато в  
горниле, скорбями многими искушаемь, терпением  
разум совершен стяжал еси, радуясь о Бозе и поя Ему:  
Аллилуиа.

### Икос 10



Стенá и утверждéние Цёркви Рýсской во дни безбóжных гонéний явился еси́, Илариóне святителю, тёмже и нас, в мóри житéйшем обуреваемы́х, от лжеучéний и соблазнов избáви, вопи́ющих ти с любóвию такováя:

Рáдуйся, от юности твоея́ Цёрковь́ я́ко Мáтерь спаса́емых возлюбívый;

ра́дуйся, слóвом и молítвою мнóгия в лóно ея́ возвратívый.

Рáдуйся, плоть твою́ воздержáнием дýху покорívый;  
ра́дуйся, ум твой учéнием церкóвным  
уцеломóдривый.

Рáдуйся, благочéстия цвёте нетлénный;

ра́дуйся, исповédания плод приносáй.

Рáдуйся, святителéй рýсских удобрéние;

ра́дуйся, новомóчеников честнáя похвалó.

Рáдуйся, Илариóне, Цёркве Рýсския́ славо́ и  
украшéние.

### Кондак 11

Пéние всеумилénное приносим ти, Илариóне, óтче наш, к ра́це мощéй твои́х любóвию притека́юще и моля́щися: не оста́ви отéчества твоегó земнáго и обítели твоея́, но вся во благочéстии утверди́, да в́ину зовём: Аллилу́иа.

### Икос 11

Светозáрную звезду́ в но́щи ун́ения сýщим в́идим ты, Илариóне небоявлénне, ты бо свет невечёрния рáдости в сёрдце нося́, скóрбный мрак разгоня́еши, возвеселя́я всех вопи́ющих ти:

Рáдуйся, рáдости тезоименítый;

ра́дуйся, от младéнства Бóгом избрáнный.

Ра́дуйся, Воскресе́ния Христо́ва и́стинный  
свидете́лю;

ра́дуйся, сла́вы Ца́рствия в до́льном ми́ре  
возвестите́лю.

Ра́дуйся, блаже́нную чистоту́ явля́яй;

ра́дуйся, радости о Бо́зе Спа́се па́дшия науча́яй.

Ра́дуйся, я́ко жити́е твоё́ при́сное есть Бо́гу  
хвалё́ние;

ра́дуйся, я́ко смерть тво́я бы́сть Христу́  
Воскрёсшему побёдное пёние.

Ра́дуйся, Иларио́не, Це́ркве Ру́ския сла́во и  
украше́ние.

### Кондак 12

Благода́ть от Бо́га прия́л еси́, Иларио́не, недужны́я  
исцеля́ти, ско́рбны́я утеша́ти, па́дшия возставля́ти, те́мже  
и мы, све́тло па́мять твою́ соверша́юще, благодарно́  
зовём: Аллилу́иа.

### Икос 12

Пою́ще по́двиг испове́дания твоего́, восхваля́ем тя,  
святите́лю Иларио́не пресла́вне, течёние бо непоро́чно  
сконча́в и ве́ру соблю́д, пра́вды вене́ц прия́л еси́, те́мже  
Це́рковь Ру́сская тобо́ю хва́лится, побёдны́я пёсни ти  
возсыла́ющи:

Ра́дуйся, во́ине Христо́в непобедíмый;

ра́дуйся, сто́лпе Це́ркве несокруши́мый.

Ра́дуйся, за́поведей Ева́нгельских исполните́лю;

ра́дуйся, ни́вы церко́вныя де́лателью и храните́лю.

Ра́дуйся, цве́те росси́йскаго лу́га духо́внаго;

ра́дуйся, пло́де кра́сный се́яния спаси́тельнаго.

Ра́дуйся, собо́ра но́вых му́чеников све́тлая звездó;

ра́дуйся, о земнѣм отѣчествѣ прѣсный  
моли́твенниче.

Ра́дуйся, Иларио́не, Цѣркве Ру́сская славо и  
украше́ние.

### Кондак 13

О, предѣвный священномучениче Христов  
Иларио́не, Цѣркве Ру́сская украше́ние, приими́ ны́не  
малое моле́ние си́е на́ше, от тлетво́рных собла́знов  
изба́ви нас, да от вѣчных мук свобо́дшеся тво́ими к  
Бо́гу моли́твами и спасе́ние улу́чивше, воспо́ем с тобо́ю  
Святе́й Трои́це: Аллилу́иа.

### Молитва

О, пресла́вный уго́дник Божий священномучениче  
Иларио́не, о́тче наш, ты во дни маловре́меннаго жити́я  
земна́го посреде́ гонений и скорбе́й мно́гих ве́ру  
сохрани́в, ду́ха не угаси́л еси́ и ве́рныя научи́л еси́, како  
подобает жи́ти в Дому́ Божии, иже есть Цѣрковь Бо́га  
Жива, столп и утвержде́ние истины. Сего́ ра́ди к тебѣ  
припада́юще мо́лимся: помози́ нам тво́ими моли́твами  
догма́ты и кано́ны церко́вныя твёрдо храни́ти, зрѣние  
согреше́ний сво́их ду́хом смире́нным стяжа́ти, всякаго  
челове́ка яко нетле́нный о́браз Христов по глаго́лу  
Ева́нгельскому возлю́бити, ни едина́го же презира́юще  
или́ отрѣва́юще, но всем по си́ле служа́ще, и та́ко  
Го́сподеви рабо́тающе, да сподо́бимся с тобо́ю и со  
все́ми новомученики Цѣркве Ру́сская воспѣати Святу́ю  
Трои́цу во ве́ки веко́в. Ами́нь.